

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

մարտի 2020 թվականի N - Լ,

ԿՈՐՈՆԱՎԻՐՈՒՄԻ ՏՆՏԵՍԱԿԱՆ ՀԵՏԵՎԱՆՔՆԵՐԻ ՉԵԶՈՔԱՑՄԱՆ ԵՐԿՐՈՐԴ ՄԻՋՈՑԱՌՈՒՄԸ ՀԱՍՏԱՏԵԼՈՒ ՄԱՍԻՆ

Հիմք ընդունելով Հայաստանի Հանրապետության Սահմանադրության 146-րդ հոդվածի 4-րդ մասը՝ Հայաստանի Հանրապետության կառավարությունը **ո ր ո շ ու մ է.**

1. Հաստատել կորոնավիրուսի տնտեսական հետևանքների չեզոքացման երկրորդ միջոցառումը՝ համաձայն հավելվածի:

**Հայաստանի Հանրապետության
վարչապետ**

2020 թ. մարտի
Երևան

Ն. Փաշինյան

**ԵՐԿՐՈՐԴ ՄԻՋՈՑԱՌՈՒՄ
ԿՈՐՈՆԱՎԻՐՈՒՄԻ ՏՆՏԵՍԱԿԱՆ ՀԵՏԵՎԱՆՔՆԵՐԻ ՉԵԶՈՔԱՑՄԱՆ**

1. Միջոցառման նպատակը

Միջոցառման նպատակն է օժանդակել կորոնավիրուսի հետևանքով ՀՀ գյուղատնտեսության ոլորտում գործունեություն ծավալող առանձին տնտեսավարողների (այսուհետ՝ տնտեսավարողներ) մոտ կանխատեսվող ընթացիկ իրացվելիության հետ կապված ռիսկերի մեղմմանը: Կորոնավիրուսի տարածման տնտեսական հետևանքների չեզոքացման միջոցառումների փաթեթների շրջանակներում բացառել տրամադրվող օժանդակության շահառուների համընկման դեպքերը:

2. Օժանդակության նպատակը

Օժանդակության նպատակն է տնտեսավարողների համար ժամանակ շահելու հնարավորություն ստեղծել՝ պահանջարկի փոփոխվող պայմաններին արձագանքելու և ըստ այդմ գործունեությունը շարունակելու կամ վերադասավորվելու ու փոփոխված տնտեսական իրավիճակին հարմարվելու և զարգացման ռազմավարությունները ճշտագրտելու որոշումների կայացման համար:

3. Տնտեսավարողների շրջանակը

Սույն միջոցառման իմաստով տնտեսավարող է համարվում ՀՀ տարածքում գյուղատնտեսության ոլորտում գործունեություն իրականացնող ֆիզիկական կամ իրավաբանական անձը, որն ունի բարվոք վարկային և հարկային (իրավաբանական անձանց դեպքում) պատմություն:

4. Օժանդակության ձևերը

4.1. Օժանդակությունը տրամադրվում է տնտեսավարողներին՝ ՀՀ տարածքում գործող և լիցենզավորված բանկերից կամ վարկային կազմակերպություններից (այսուհետև՝ ֆինանսական կազմակերպություն) ստացվող նպատակային վարկերի համաֆինանսավորման և (կամ) վարկի/լիզինգի տոկոսադրույքի սուբսիդավորման ձևով: Օժանդակության նախատեսվող ձևերով նպատակ է հետապնդվում լուծել.

- **Համաֆինանսավորում.** վարկի գծով տնտեսավարողի մոտ ապահովման միջոցի ոչ բավարար մակարդակի, արժույթային ռիսկի մասնակի չեզոքացման, ինչպես նաև տոկոսների գծով ծախսերի մասնակի նվազեցման խնդիրները:

- **Սուբսիդավորում**. վարկի/լիզինգի գծով տնտեսվարողի մոտ տոկոսային ծախսերի էական նվազեցման խնդիրը:

4.2. Տնտեսվարողի համար օժանդակության ձևերի միաժամանակյա կիրառության առանձնահատկությունները սահմանվում են դրանցից յուրաքանչյուրի կիրառության նպատակով սահմանված կարգով:

4.3. Վարկի/լիզինգի սուբսիդավորումը՝ 9-րդ կետում նշված տոկոսադրույքներով, կիրականացվի միայն սույն որոշումն ուժի մեջ մտնելուց հետո տրամադրվող վարկի/լիզինգի համար՝ մինչև 2020 թվականի ավարտը:

5. Օժանդակության գործիքների ներքո ստացվելիք վարկի/լիզինգի նպատակը

Օժանդակության ձևերը կիրառելի են այն վարկի/լիզինգի համար, որը տրամադրվում է տնտեսվարողներին 9-րդ կետով սահմանված նպատակներով ծախսերի իրականացման համար:

6. Օժանդակության գործիքների ներքո տրամադրվելիք վարկի/լիզինգի նկատմամբ հիմնական պահանջները

Օժանդակության գործիքների կիրառմամբ տրամադրվող վարկը/լիզինգը պետք է համապատասխանի 9-րդ կետով սահմանված պահանջներին:

7. Օժանդակության գործիքների ներքո վարկ/լիզինգ տրամադրող կառույցները

7.1. Վարկը/լիզինգը կտրամադրվի գյուղատնտեսության ոլորտում պետական օժանդակության ծրագրերին մասնակից առևտրային բանկերի և վարկային կազմակերպությունների կողմից:

7.2. Օժանդակության գործիքների կիրառման կարգը և պայմանները պետք է համապատասխանեն ՀՀ կառավարության առանձին որոշումներով հաստատված պետական աջակցության ծրագրերի ընթացակարգերին:

8. Օժանդակության գործիքների բովանդակության նկարագրությունը

Սույն միջոցառման շրջանակում վարկ/լիզինգ ստանալու նպատակով ցանկացած տնտեսվարող, որը համապատասխանում է միջոցառմամբ նախատեսված պայմաններին, կարող է հայտ ներկայացնել ֆինանսական կազմակերպություն, որի բավարարման դեպքում վարկառուի ցանկությամբ սույն միջոցառմամբ 9-րդ կետով սահմանված պայմանների համաձայն կիրականացվի՝

- վարկի համաֆինանսավորում՝ մայր գումարի որոշակի չափով, վարկի նույն ժամկետով, համաֆինանսավորման մասի 0% տոկոսադրույքով, վարկի մայր գումարի վերադարձի մասով՝ մասնակի ռիսկի ստանձնմամբ, և (կամ)
- վարկի/լիզինգի սուբսիդավորում՝ տվյալ վարկի/լիզինգի տոկոսների չափով, առանց վարկի վերադարձի ռիսկի ստանձնման:

9. Օժանդակության կիրառության պայմանները

9.1. Իրավաբանական (բացառությամբ՝ գյուղատնտեսական կոոպերատիվների) և ֆիզիկական անձանց վարկավորման հիմնական պայմանները

	Վարկի նպատակը	Հիմնական պայմանները	Տոկոսադրույքը*
1	Գյուղատնտեսության ոլորտում զբաղված անձանց կարողությունների զարգացման, արդիական տեխնոլոգիաների ներդրման և գործունեության արդյունավետության բարձրացման նպատակով տրամադրվող վարկ	<ul style="list-style-type: none"> վարկի գումարը՝ 3-15 մլն դրամ, վարկի մարման ժամկետը՝ մինչև 5 տարի, վարկի մայր գումարի արտոնյալ ժամկետը՝ մինչև 12 ամիս 	0%
2	Ոռոգման արդիական համակարգերի ներդրման համար տրամադրվող վարկ	<ul style="list-style-type: none"> վարկի գումարը՝ մինչև 150 մլն դրամ, վարկի մարման ժամկետը՝ մինչև 3 տարի, մայր գումարի արտոնյալ ժամկետը՝ տարեկան մինչև 6 ամիս 	0%
3	Խաղողի, ժամանակակից տեխնոլոգիաներով մշակվող ինտենսիվ պտղատու այգիների և հատապտղանոցների հիմնման համար տրամադրվող վարկ	<ul style="list-style-type: none"> մակերեսը՝ 0.5-ից մինչև 100 հա, վարկի գումարը՝ մինչև 2.5 մլրդ դրամ, վարկի մարման ժամկետը՝ մինչև 8 տարի, մայր գումարի արտոնյալ ժամկետը՝ մինչև 5 տարի 	0%
4	Գյուղատնտեսությունում կարկտապաշտպան ցանցերի ներդրման համար տրամադրվող վարկ	<ul style="list-style-type: none"> մակերեսը՝ 0.5-ից մինչև 10 հա, վարկի գումարը՝ մինչև 85 մլն դրամ, վարկի մարման ժամկետը՝ մինչև 7 տարի, մայր գումարի արտոնյալ ժամկետը՝ մինչև 1 տարի 	0%
5	Գյուղատնտեսական հումքի մթերումների (գնումների) նպատակով ազրովերամշակման ոլորտին տրամադրվող վարկ	<ul style="list-style-type: none"> վարկի գումարը՝ մինչև 1.8 մլրդ դրամ, վարկի մարման ժամկետը՝ մինչև 1.5 տարի, մայր գումարի արտոնյալ ժամկետը՝ մինչև 3 ամիս 	0%
6	Տոհմային տավարաբուծության նպատակով տրամադրվող վարկ	<ul style="list-style-type: none"> վարկի գումարը՝ մինչև 300 մլն դրամ, վարկի մարման ժամկետը՝ մինչև 5 տարի, մայր գումարի արտոնյալ ժամկետը՝ մինչև 1 	0%

		տարի	
7	Տոհմային ոչխարաբուծության և այծաբուծության նպատակով տրամադրվող վարկ	<ul style="list-style-type: none"> վարկի գումարը՝ մինչև 900 մլն դրամ, վարկի մարման ժամկետը՝ մինչև 4 տարի, մայր գումարի արտոնյալ ժամկետը՝ մինչև 1 տարի 	0%
8	Գյուղատնտեսական տեխնիկայի լիզինգ	<ul style="list-style-type: none"> լիզինգով վարկավորման գումարը՝ մինչև 200 մլն դրամ, մարման ժամկետը՝ 3- 10 տարի, մայր գումարի արտոնյալ ժամկետը՝ տարեկան 6 ամիս: 	0%
9	Ագրոպարենային ոլորտի սարքավորումների (այդ թվում՝ ջերմատների, սառնարանային և գյուղատնտեսական նշանակության պահեստային տնտեսությունների, մոդուլային սպանդանոցների) լիզինգ	<ul style="list-style-type: none"> լիզինգով վարկավորման գումարը՝ մինչև 450 մլն դրամ, մարման ժամկետը՝ մինչև 8 տարի, մայր գումարի արտոնյալ ժամկետը՝ տարեկան 6 ամիս: 	0%

* Պայմանով, որ բանկի ինտեգրալ տոկոսադրույքը չի կարող գերազանցել ՀՀ դրամով 14%, իսկ արտարժույթով՝ 9%

9.2. Գյուղատնտեսական կոոպերատիվների վարկավորման հիմնական պայմանները

	Վարկի նպատակը	Հիմնական պայմանները	Տոկոսադրույք*	Համաֆինասավորում/ համապարտություն
1	Գյուղատնտեսության ոլորտում գործունեության նպատակով տրամադրվող վարկ	<ul style="list-style-type: none"> վարկի գումարը՝ 3-15 մլն դրամ, վարկի մարման ժամկետը՝ մինչև 5 տարի, վարկի մայր գումարի արտոնյալ ժամկետը՝ մինչև 12 ամիս 	0%	10%
2	Ռոտզման արդիական համակարգերի ներդրման համար տրամադրվող վարկ	<ul style="list-style-type: none"> վարկի գումարը՝ մինչև 150 մլն դրամ, վարկի մարման ժամկետը՝ մինչև 3 տարի, մայր գումարի արտոնյալ ժամկետը՝ տարեկան մինչև 6 ամիս 	0%	50%

3	Խաղողի, ժամանակակից տեխնոլոգիաներով մշակվող ինտենսիվ պտղատու այգիների և հատապտղանոցների հիմնման համար տրամադրվող վարկ	<ul style="list-style-type: none"> մակերեսը՝ 0.5-ից մինչև 100 հա, վարկի գումարը՝ մինչև 2.5 մլրդ դրամ, վարկի մարման ժամկետը՝ մինչև 8 տարի, մայր գումարի արտոնյալ ժամկետը՝ մինչև 5 տարի 	0%	50%
4	Գյուղատնտեսությունում կարկտապաշտպան ցանցերի ներդրման համար տրամադրվող վարկ	<ul style="list-style-type: none"> մակերեսը՝ 0.5-ից մինչև 10 հա, վարկի գումարը՝ մինչև 85 մլն դրամ, վարկի մարման ժամկետը՝ մինչև 7 տարի, մայր գումարի արտոնյալ ժամկետ՝ մինչև 1 տարի 	0%	50%
5	Գյուղատնտեսական հումքի մթերումների (գնումների) նպատակով ագրովերամշակման ոլորտին տրամադրվող վարկ	<ul style="list-style-type: none"> վարկի գումարը՝ մինչև 1.8 մլրդ դրամ, վարկի մարման ժամկետը՝ մինչև 1.5 տարի, մայր գումարի արտոնյալ ժամկետը՝ մինչև 3 ամիս 	0%	30%
6	Տոհմային տավարաբուծության նպատակով տրամադրվող վարկ	<ul style="list-style-type: none"> վարկի գումարը՝ մինչև 300 մլն դրամ, վարկի մարման ժամկետը՝ մինչև 5 տարի, մայր գումարի արտոնյալ ժամկետը՝ մինչև 1 տարի 	0%	70%
7	Տոհմային ոչխարաբուծության և այծաբուծության նպատակով տրամադրվող վարկ	<ul style="list-style-type: none"> վարկի գումարը՝ մինչև 900 մլն դրամ, վարկի մարման ժամկետը՝ մինչև 4 տարի, մայր գումարի արտոնյալ ժամկետը՝ մինչև 1 տարի 	0%	70%
8	Գյուղատնտեսական տեխնիկայի լիզինգ	<ul style="list-style-type: none"> լիզինգով վարկավորման գումարը՝ մինչև 200 մլն դրամ, մարման ժամկետը՝ 3- 10 տարի, մայր գումարի արտոնյալ ժամկետը՝ տարեկան 6 ամիս: 	0%	10%
9	Ագրոպարենային ոլորտի սարքավորումների (այդ թվում՝ ջերմատների, սառնարանային և գյուղատնտեսական	<ul style="list-style-type: none"> լիզինգով վարկավորման գումարը՝ մինչև 450 մլն դրամ, մարման ժամկետը՝ մինչև 8 տարի, մայր գումարի արտոնյալ ժամկետը՝ 	0%	10%

նշանակության պահեստային տնտեսությունների, մոդուլային սպանդանոցների) լիզինգ	տարեկան 6 ամիս:		
--	-----------------	--	--

* Պայմանով, որ բանկի ինտեգրալ տոկոսադրույքը չի կարող գերազանցել ՀՀ դրամով 14%, իսկ արտարժույթով՝ 9%

9.3. Ֆիզիկական անձանց միկրովարկավորման հիմնական պայմանները

	Վարկի նպատակը	Հիմնական պայմանները	Տոկոսադրույքը*
1	Գյուղատնտեսության ոլորտում գործունեության նպատակով տրամադրվող միկրովարկ	<ul style="list-style-type: none"> · վարկի գումարը՝ մինչև 1 մլն դրամ, · վարկի մարման ժամկետը՝ մինչև 2 տարի, · վարկի մայր գումարի արտոնյալ ժամկետը՝ մինչև 9 ամիս 	0%

* Պայմանով, որ բանկի ինտեգրալ տոկոսադրույքը չի կարող գերազանցել ՀՀ դրամով 13%

9.4. Ֆիզիկական անձանց՝ խոզաբուծության և թռչնաբուծության վարկավորման պայմանները

	Վարկի նպատակը	Հիմնական պայմանները	Տոկոսադրույքը*	Համաֆինասավորում/ համապարտություն
1	Խոզաբուծության և թռչնաբուծության նպատակով տրամադրվող վարկ	<ul style="list-style-type: none"> · վարկի գումարը՝ 3-15 մլն դրամ, · վարկի մարման ժամկետը՝ մինչև 3 տարի, · վարկի մայր գումարի արտոնյալ ժամկետը՝ մինչև 12 ամիս 	0%	30%

* Պայմանով, որ բանկի ինտեգրալ տոկոսադրույքը չի կարող գերազանցել ՀՀ դրամով 14%, իսկ արտարժույթով՝ 9%